

股特選碧交繭纒出之絲交往試驗，檢查結果，均勻在九十分以上，當時有絲商多人在場觀試，均讚羨不置。

聘請楊錫宗規畫校地

本校地方，早已大體規畫安定，繪有詳細地圖，全校模型，亦經製備；所有道路屋宇及運動場，均按照面積大小，一一列出。凡已建築者，則染以顏色別之，甚為清楚，構造極精緻，陳列於格蘭堂一樓中座有年，到校參觀者，皆以先觀為快。近年校址愈加展拓，在該模型之外者，地方尚多，亟應詳為規畫，以備將來建築。昨經校董會議決，聘請楊君錫宗規畫校地事宜，楊君乃有名之畫則師，亦是本校舊生，對於校中情形，甚為熟悉，經其規畫，將來全校建築，定可增加美觀也。

請美國基金委員會資助教職員留學

美國經費

從前本校之董事會，乃設在美國紐約省，自民國十六年全校由中國人接收辦理，該董事會即行取消，改作私立嶺南大學美國基金委員會，擔任籌措本校基金，以為每年贈送教席之經費，感情深厚，一若昔年。本校歷來都有派教職員出洋留學，以期深造，但所用經費浩大，籌措頗覺不易，因由校董

會議決函請美國基金委員會每年資助教職員兩名留學美國，每年以兩名為限，此屬一種美舉，想能得其贊成也。

安設廣庇九如仰光三屋紀念碑

民國十二年 鍾校長出洋為農科募款，承旅居緬甸僑胞力為贊助，並捐資建築三屋，每屋九千元，以為教職員住宅。早已先後落成，日昨乃為之立碑紀念。碑為白雲石所製，安砌諸各該屋中，在廣庇屋之碑，文曰：「廣庇屋紀念。屋乃緬甸華僑曾氏祖來，祖蓋，祖拜昆仲所捐，以紀念其先翁廣庇先生，暨先慈廣庇夫人者。」在九如屋之碑，文曰：「九如屋紀念。緬甸華僑捐款建築諸君：林道沾先生，阮仲耀先生，黃天照先生，劉滋佑先生，曹耀灼先生，曹夫人，陳德成先生，陳德剛先生，陳崇輝先生。」合共九人，人捐千元，故以九如屋稱之。仰光屋之碑，文曰：「仰光屋紀念。緬甸華僑捐款建築諸君：許濟英夫人，朱家鈞先生，許昌盛先生，許昌合先生，何蔭三先生，陳毓珊先生，黃景耀先生，梅僑眾友堂，閩僑公司，甄森波先生，梁益利先生，施明德先生，曾上苑先生，張永福先生，韓江公司，陳清韻先生，雲南公司。」各捐款者當時皆在仰光埠，因名之曰仰光屋，如爪哇華僑捐建大學生第一宿舍，即題曰爪哇華僑堂以留紀念之例云。